

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklarungen.pdf>

.4.

Kauf P[e]r: .480. f: sambt
.2. f: Leykhauß

Margaretha: Geörgen Troibers von Ponholz
seel:[ig] hinderlassene Wittib, bekhent vnnd
verkhaußt mit Consens des churf[ü]r[st]l:[ichen]
Pflegambts alhier, auf Beistandts Leist=
ung ihrer Vormunder Ulrich Stocker
von der Kinarieth, vnnd Michael Streck
von Heislern, von ihrem Eheman seel:[ig]
hinderlassenen Gueth derohrten, mit all
dessen Rechtlichen ein: vnnd Zuegehörungen
zu Dorf: vnd Veldt, nichts hiruon Be=
sondert noch ausgenommen, gleich sÿe vnnd
Ihr Man seel:[ig] solches ingehabt genutzt: vnnd
genossen haben, von welchem Gueth iehrlich
Besagt churfrtl: Pflegamt zu Geörgi:
oder Michaeli .1. f: .35. x: - . hl: Zinse
.1/2. Fas[t]nachthennen vnnd .6. Pfundt Hof=
schmalz verraicht, dan .1. Tag Mehen
.1. Heugen .1. schnaiden, vnnd .1. Tag Hackhen=
scharwerch verricht: oder das Gelt
dafür bezalt werden mus, auch im ybrigen
aldahin mit der Manschaft Rais, Steuer,
Scharwerch zum Schloss, vf Begebente Ver=
enderung mit dem Zehenten Pfenning

Handlang vnd all andern pottmessigkeiten
vnderworfen: vnnd Beigethan ist Dem Ehr=
bahren Ulrichen Wagner von Haberstorff,
vnnd Margaretha Clainin dessen zuekhünfftigen
Eheweib all dessen Erben vnnd Nachkhommen,
vmb .260. f: dan absonderlich .4. oxen
p[e]r: .60. f: .1. Khue .10. f: .2. Kalben p[e]r: 20. f:
.1. Pflueg vnnd .1. Eidten p[e]r: .5. f: .1. Beschlag:[ener]
vnnd .1. plos wagen p[e]r: .20. f: .1. Eisern
Hellhafen p[e]r: .5. f: Wüntter vnd Sommer=
Besämbung sambt der verhandtenen Fitt=
ereÿ p[e]r: .90. f: item and[eren] Hausrath p[e]r:
.10. f: et .200. f: zesammen aber in ein[er]
Summa vmb: vnnd p[e]r: .480. f: sambt .2. f:
gleich par Bezaltem Leykhauß welchen Kauf=
schilling Käufer volgentergestalten
zubezallen versprochen, als Erstlichen
zur Angab gleich par .200. f: dan will
Er .1720. Zu Jacobi .15. f: nachfrist
erlegen, vnnd mit solch Leztern solang
continuirn Bis der völlige Kauf=
schilling entricht[et] vnd Bezalt sein
würdt, Negst deme ist Khäufer schuldig

vnd verbundenen dessen Jüngern Schwagern

.5.

Wolfen .5. f: für den einsiz zubezahlen
deme nun in ein: so and[eren] nachzekommen
haben beede Thail hieryber Bei Gericht
handstreichlich angelobt. Geschechen
den .11. Jenner a[o]: .1719.

Testes

Beede Gerichts procuratores als Carl
Alex Heibl vnd Joseph Rohrer

Ausnamb

Vorgedacht verkauffente Wittib hat ihr
bei der under heintigem dato Ulrichen
Wagner verkhaufften Gueth zur Leibs=
geding solange sye Lebt ausgenommen
als

Erstlichen die freye Herberg in dem ver=
handtenen nebenstibl, warzue Khäufer
der Verkhäuferin all iehrlichen .2. Clafter
Holz vnnnd .10. Pischl spän Beischaffen mues,
khunten od[er] wolten sich Beede thail mitei=
and nit vertragen weer Khäufer ver=
bundten derselben ohne ihr entgelt ein[e] and[ere]
Herberg zeschaffen.

Anderns mues Khäufer der Verkhäuferin
zu ihrer benötigten Vnderhalt, all iehr=
lichen .5. Mezen Korn, 2 1/2. Mezen Gersten,
vnnnd 2 1/2. Mezen Habern, Waldminchner=
messerey verreichen, auch.

Drittens selbiger zu Underhaltung einer
Khue einen ausgezaigten Fleckh in der
Paint, vnnnd die Grasserey vf demen
Rainon yberlassen.

Viertens reservirt ihr Verkhäuferin .1.
Äckherl d[a]s Leitherungs Äckherl genant
zur Schmalsath welches Äckherl Khaufertungen,
hauen, vnd pauen: vnd d[a]s dar=
auf erwachsente zur Herberg führen
mues, item dem .4. Mezen von all er=
wachsente Obst, vnd .1. Petl in Samb=
garten.

Finftens: Vnd Lez[t]ens ist zu wissen, d[a]s
wan sich die Wittib yber Kurz od[er] Lang
verheurathen wolten, were Khaufertungen
verbunden derselben um d[a]s hieoben Be=
nambste Getraidt sonsten aber weiters

nichts nachzugeben, nach deren ableiben

.6.

aber sollet die Beschribene Ausnamb wid[er]
anheimbs: vnnd zum Gueth, deme nun in
ein: vnnd andern Nachzekhommen, haben
Beede Thail Bei Gericht Gleichfahls handt=
streichlich angelobt, actu:[m] ut supra.

© Transkription durch Josef Ederer, Katzbach 33

F:\Fotos\Fotohistorik1\Grundsteuerkataster\Briefsprotokolldaten\Briefprotokolle\Briefprotokoll
e Waldmünchen 170\Troiber Bon2 BP 170 4_6.docx